

福嚴推廣教育班第33期  
《十住毘婆沙論》卷6  
〈分別布施品第十二〉  
(大正26, 49b10-53a12)

釋厚觀 (2017.05.06)

壹、修易行道後，福力轉增，深生慈悲心，開檀波羅蜜門

(壹) 福力轉增，心調柔軟，能信佛功德及菩薩大行

菩薩能行如是懺悔、勸請、隨喜、迴向。

福德力轉增，心亦益<sup>1</sup>柔軟，即信佛功德，及菩薩大行。<sup>2</sup>

是菩薩以懺悔、勸請、隨喜、迴向故，福力轉增、心調柔軟；於諸佛無量功德，清淨第一，凡夫所不信而能信受，及諸大菩薩清淨大行、希有難事，亦能信受。

(貳) 於眾生深發慈悲心，欲救拔之

復次，苦惱諸眾生，無是深淨法，於此生慙傷，而發深悲心。

<sup>1</sup> 益：13.更加。(《漢語大詞典》(七)，p.1422)

<sup>2</sup> (1)《十住經》卷1〈1歡喜地〉(大正10, 502a2-11)：

諸佛子！菩薩決定發是大願，則得利安心、柔軟心、調順心、善心、寂滅心、和潤心、直心、不亂心、不燒心、不濁心。如是則成信者，樂心信相，分別功德。信諸佛本所行道、信行諸波羅蜜而得增長、信善入諸地得殊勝功德、信得成佛十力、信具足四無所畏、信不共法不可壞、信諸佛法不可思議、信諸佛力無中無邊、信諸如來無量行門、信從因緣以成果報。舉要言之，信諸菩薩普行諸佛功德、智慧、威神力等。

(2)《大方廣佛華嚴經》卷34〈26十地品〉(大正10, 182b19-27)：

佛子！菩薩發如是大願已，則得利益心、柔軟心、隨順心、寂靜心、調伏心、寂滅心、謙下心、潤澤心、不動心、不濁心。成淨信者，有信功用：能信如來本行所入，信成就諸波羅蜜，信入諸勝地，信成就力，信具足無所畏，信生長不可壞不共佛法，信不思議佛法，信出生無中邊佛境界，信隨入如來無量境界，信成就果。舉要言之，信一切菩薩行，乃至如來智地說力故。

(3)《佛說十地經》卷2〈1菩薩極喜地〉(大正10, 539c7-14)：

復次，菩薩如是已發諸大誓願，得堪能心并柔軟心及調柔心，成就淨信。能信諸佛正等覺者本所入行、修證到彼岸、修證諸勝地，成就諸力、成滿無所畏。由不共佛法不可映奪，不可思議諸佛法性引發，無中無邊甚深如來境界，隨入無量如來所行信果成就。舉要言之，能信一切菩薩正行，乃至佛地解釋加持。

菩薩<sup>3</sup>信諸佛菩薩無量、甚深、清淨、第一功德已，愍傷<sup>4</sup>諸眾生無此功德，但以諸邪見受種種苦惱，故深生悲心。

**念是諸眾生，沒在苦惱泥，我當救拔之，令在安隱處。<sup>5</sup>**

是菩薩得悲心已，作是念：「是諸眾生常為貪、恚、癡所病<sup>6</sup>，以身心受諸苦惱，我當拔濟使離身心苦惱深泥<sup>7</sup>，畢竟無生、老、病、死患，得住安隱涅

<sup>3</sup>（若）+菩薩【宋】【元】【明】【宮】。（大正 26，49d，n.1）

<sup>4</sup>愍傷：哀傷。（《漢語大詞典》（七），p.651）

<sup>5</sup>（1）《十住經》卷 1〈1 歡喜地〉（大正 10，502a11-b1）：

諸佛子！菩薩作是念：「諸佛正法，如是甚深、如是離相、如是寂滅、如是空、如是無相、如是無作、如是無染、如是無量、如是廣大、如是難壞。而諸凡夫心墮邪見、為無明癡冥蔽其慧眼、常立憍慢幢、墮在渴愛網、隨順諂曲、常懷慳嫉，而作後身生處因緣。多集貪欲、瞋恚、愚癡，起諸重業，嫌恨猛風吹罪心火，常令熾盛，有所施作皆與顛倒相應。欲流、有流、無明流、見流相續，起心意識種，於三界地生苦惱牙，所謂名色和合，增長六入；諸入外塵，相對生觸；觸因緣故，生諸受；深樂受故，生渴愛；渴愛增益故，生取；取增長故，復起後有；有因緣故，有生、老、死，憂、悲、苦惱。如是因緣集諸苦聚，眾生受諸苦惱，是中無我、無我所，無作者、無受者、無知者，如草木、瓦石、又亦如影。凡夫可愍，不知不覺而受苦惱。」

菩薩於此見諸眾生不免諸苦，即生**大悲智慧**：「是諸眾生，我等應救。」

又欲令住畢竟佛道之樂，即生**大慈智慧**。

（2）《大方廣佛華嚴經》卷 34〈26 十地品〉（大正 10，182b28-c16）：

佛子！此菩薩復作是念：「諸佛正法，如是甚深，如是寂靜，如是寂滅，如是空，如是無相，如是無願，如是無染，如是無量，如是廣大。而諸凡夫心墮邪見，無明覆翳，立憍慢高幢，入渴愛網中，行諂誑稠林不能自出，心與慳嫉相應不捨，恒造諸趣受生因緣，貪、恚、愚癡積集諸業日夜增長，以忿恨風吹心識火熾然不息，凡所作業皆顛倒相應，欲流、有流、無明流、見流，相續起心意識種子，於三界田中復生苦芽。所謂名色共生不離，此名色增長，生六處聚落，於中相對生觸，觸故生受，因受生愛，愛增長故生取，取增長故生有，有生故有生老死憂悲苦惱。如是眾生生長苦聚，是中皆空，離我、我所，無知、無覺，無作、無受，如草木石壁，亦如影像；然諸眾生不覺不知。」

菩薩見諸眾生於如是苦聚不得出離，是故即生**大悲智慧**。

復作是念：「此諸眾生我應救拔，置於究竟安樂之處。」是故即生**大慈光明智**。

（3）參見《佛說十地經》卷 2〈1 菩薩極喜地〉（大正 10，539c15-540a3）。

<sup>6</sup>病：9.禍害。（《漢語大詞典》（八），p.289）

<sup>7</sup>（1）泥=泥【宮】。（大正 26，49d，n.2）

（2）泥（ㄋㄧˊ）：同“泥”。濕泥。（《漢語大字典》（一），p.458）

繫樂處。」

是故，於此苦惱眾生，生深悲心，以悲心故，為求隨意使得安（49c）樂，則名慈心。

**（參）開檀波羅蜜門，為施勤精進**

若菩薩如是，深隨慈悲心，斷所有貪惜<sup>8</sup>，為施勤精進。<sup>9</sup>

菩薩是求佛道、度苦惱眾生念者。

隨名隨順慈悲，不隨餘心。

深慈名遍諸眾生，念徹骨髓。

所有名一切內外所有金銀、珍寶、國城、妻子等。

貪名欲得無厭。

惜名愛著，不欲與他。

斷名離此三<sup>10</sup>惡。

如是則開檀波羅蜜門，是故常應一心勤行，無令放逸。

何以故？菩薩作是念：「我今隨所能作，利益眾生，發堅固施心。」

**貳、先明財施**

**（壹）釋內財施、外財施**

**一、舉偈總說**

所有一切物，有命若無命，轉輪天王位，無求而不與。

<sup>8</sup> 貪惜：猶貪吝。（《漢語大詞典》（十），p.108）

<sup>9</sup> （1）《十住經》卷 1 〈1 歡喜地〉（大正 10，502b1-10）：

菩薩摩訶薩隨順如是大慈悲法，以深妙心住在初地，於一切物無所貪惜。尊重諸佛大妙智故，學行大捨，即時所有可施之物盡能施與，所謂穀麥、庫藏、金銀、摩尼珠、車渠、馬瑙、琉璃、珊瑚、琥珀、珂貝、瓔珞、嚴身之具、諸珍寶等，及象馬車乘、輦輿、人民、奴婢、眷屬、國土、城邑、聚落、廬舍、園林遊觀、妻子、男女、一切所愛，皆悉捨與，頭、目、耳、鼻、支節、手、足舉身皆與，深重佛智故而不貪惜，菩薩摩訶薩住於初地能行大捨。

（2）《大方廣佛華嚴經》卷 34 〈26 十地品〉（大正 10，182c17-25）：

佛子！菩薩摩訶薩隨順如是大悲、大慈，以深重心住初地時，於一切物無所吝惜，求佛大智，修行大捨，凡是所有一切能施，所謂財穀、倉庫、金銀、摩尼、真珠、瑠璃、珂貝、璧玉、珊瑚等物，珍寶、瓔珞、嚴身之具，象馬、車乘、奴婢、人民、城邑、聚落、園林、臺觀、妻妾、男女、內外眷屬及餘所有珍玩之具，頭目、手足、血肉、骨髓、一切身分皆無所惜，為求諸佛廣大智慧。是名菩薩住於初地大捨成就。

（3）參見《佛說十地經》卷 2 〈1 菩薩極喜地〉（大正 10，540a4-16）。

<sup>10</sup> 三=二【宋】【元】【明】【宮】。（大正 26，49d，n.3）

乃至於男女，族姓<sup>11</sup>好妻妾，年少甚端嚴，巧便<sup>12</sup>能事人。  
恭順心柔和，愛念情甚至，惜之過壽命，求者皆能與。  
乃至身血肉，骨髓及手足，頭目耳鼻等，及身皆能與。

## 二、釋偈頌文義

是菩薩定心布施，凡所有外<sup>13</sup>物，若有命、若無命，無有乞而不與。

無命物者，金、銀、珍寶，乃至轉輪聖王位、天王位。

有命物者，男、女，貴族<sup>14</sup>、好家年少妻妾——端嚴、柔和、恭敬、善順，愛惜之至，過於身命，而能施人。

如一切施菩薩<sup>15</sup>，所有外物及妻子等，皆能施與。

是菩薩乃至自身肉、血、頭、目、手、足、耳、鼻，割肉出骨、破骨出髓，如薩陀波崙；<sup>16</sup>或舉身施與，一切所愛無過身者，亦能施與，如薩和檀。<sup>17</sup>

如菩薩為兔，以身施與仙人。<sup>18</sup>

如尸毘王以身代鴿。<sup>19</sup>

## （貳）以何因緣故，能以難事施

問曰：是菩（50a）薩為分別知布施及布施果報故能<sup>20</sup>以難事施？為但以慈悲心所發故施？

<sup>11</sup> 族姓：3.指世族大姓。（《漢語大詞典》（六），p.1605）

<sup>12</sup> 巧便：靈便，靈巧。（《漢語大詞典》（二），p.969）

<sup>13</sup> 有外=求【宋】【元】【明】【宮】。（大正 26，49d，n.4）

<sup>14</sup> 族=姓【宋】【元】【明】【宮】。（大正 26，49d，n.5）

<sup>15</sup> 參見《菩薩本緣經》卷 1〈2 一切施品〉（大正 3，55a2-57c5），《大智度論》卷 12〈1 序品〉（大正 25，146b6-11）。

<sup>16</sup> 參見《摩訶般若波羅蜜經》卷 27〈88 常啼品〉～〈89 法尚品〉（大正 8，416a24-423c20），《大智度論》卷 96〈88 薩陀波崙品〉～卷 100〈89 曇無竭品〉（大正 25，731a8-753c27）。

<sup>17</sup> 參見《六度集經》卷 2〈薩和檀王經〉（第 13 經）（大正 3，7a23-c26），《雜譬喻經》卷 1（6）（大正 4，500b25-c5）。

<sup>18</sup> 參見《菩薩本緣經》卷 3〈6 兔品〉（大正 3，64c26-66c1），《生經》卷 4〈31 佛說兔王經〉（大正 3，94b3-c3），《一切智光明仙人慈心因緣不食肉經》（大正 3，457c19-459a21），《僧伽羅刹所集經》卷 1（大正 4，120c24-121b15），《雜寶藏經》卷 2〈11 兔自燒身供養大仙緣〉（大正 4，454b13-c10）。

<sup>19</sup> 參見《菩薩本生鬘論》卷 1〈2 尸毘王救鴿命緣起〉（大正 3，333b11-334a13），《撰集百緣經》卷 4〈4 出生菩薩品〉（33 尸毘王剎眼施鷲緣）（大正 4，218a23-c14），《大智度論》卷 4〈1 序品〉（大正 25，87c29-88c26）。

<sup>20</sup> （能）—【宋】【元】【明】【宮】。（大正 26，49d，n.7）

答曰：如是布施者，則得如是報。內以支節等，并及諸外物。

內物，名頭、目、手、足等。

外物，名妻子、金、銀寶物等。

是菩薩如實知施得是報，各各分別。

又信諸經所說，或以天眼得知。

### 〔參〕明布施所得果報

問曰：汝先說知以身支節布施及外物布施所得果報，今可說所得果報。

答曰：

#### 一、舉《寶頂經》中說

《寶頂經》中〈無盡意菩薩第三十品〉檀波羅蜜義中說：菩薩立願，

- (1) 須食者施食，令我得五事報：一者、得壽命，二者、得膽<sup>21</sup>，三者、得樂，四者、得力，五者、得色。<sup>22</sup>
- (2) 須漿與漿者，先於人中得香美飲，後得除諸煩惱渴愛。
- (3) 須乘與乘，則得隨意樂報，成就四如意足，後得三乘道。
- (4) 須衣與衣，則得慚愧衣報。
- (5) 須燈明與燈明，則得佛眼光明。
- (6) 須伎樂與伎樂，則得具足天耳。
- (7) 須末<sup>23</sup>香、塗香與末香、塗香，則得身無臭穢。

<sup>21</sup> (1) 膽=瞻【宋】【元】【明】【宮】。(大正 26, 49d, n.8)

(2) 膽(勿弓√)：2.膽量。(《漢語大詞典》(六)，p.1388)

(3) 瞻(出弓)：4.尊仰，敬視。6.豐瞻，富裕。(《漢語大詞典》(七)，p.1262)

<sup>22</sup> (1) 《增壹阿含經》卷 24 〈32 善聚品〉(11 經)(大正 2, 681b1-4)：

世尊告諸比丘：「若檀越施主惠施之日，得五事功德。云何為五？一者施命，二者施色，三者施安，四者施力，五者施辯，是謂為五。」

(2) 《佛說食施獲五福報經》(大正 2, 854c9-11)：

有五福德令人得道，智者消息意度弘廓，則獲五福。何等為五：一曰施命，二曰施色，三曰施力，四曰施安，五曰施辯。

(3) 《大智度論》卷 3 〈1 序品〉(大正 25, 82b3-4)：

如佛語：「檀越施食時，與五事：命、色、力、樂、瞻\*。」

※瞻=辯\*【宮】。(大正 25, 82d, n.23)

\*辯：9.辭或文辭華美、巧妙。10.指華美巧妙的言辭或文辭。(《漢語大詞典》(十一)，p.509)

(4) 《大智度論》卷 12 〈1 初品〉(大正 25, 153a1)：

復次，布施飲食得力、色、命、樂、瞻。

<sup>23</sup> 末：18.碎屑，粉末。(《漢語大詞典》(四)，p.692)

- (8) 須汁與汁，則得味味相報<sup>24</sup>。
- (9) 須房舍與房舍，則得與一切眾生作歸依救護。
- (10) 施資生之具者，則得助菩提功德。
- (11) 施醫藥者，則得無老、病、死，常樂安隱。
- (12) 施奴婢者，則得自在隨意，具足智慧。
- (13) 施金、銀、珊瑚、車磔、馬腦<sup>25</sup>者，則得具足三十二相。
- (14) 施種種雜物莊嚴具<sup>26</sup>，則得八十隨形好。
- (15) 施象馬車者，則得具足大乘。
- (16) 施園林者，則得具足禪定樂。
- (17) 施男女者，得所愛<sup>27</sup>阿耨多羅三藐三菩提。<sup>28</sup>
- (18) 施倉穀寶藏者，則得具足法藏。
- (19) 施以一國土、一閻浮提、四天下王位者，則得道場自在法王。(50b)
- (20) 施諸戲樂具者，則得法樂。
- (21) 以足施者，則得法足能到道場。
- (22) 以手施者，則得寶手能施一切。
- (23) 以耳、鼻施者，則得具足身體。
- (24) 以眼施者，則得具足無閼<sup>29</sup>法眼。
- (25) 以頭施者，則得三界特尊一切智慧。
- (26) 以血肉施者，令諸眾生得堅固行。
- (27) 以髓施者，得金剛身，無能壞者。<sup>30</sup>

<sup>24</sup> (1) 《十住毘婆沙論》卷8〈18 共行品〉(大正 26, 65a19-21):

舌根不為風寒熱所壞故，善分別諸味，餘人不爾故，名知味味相。

(2) [隋] 慧遠作，《大乘義章》卷11〈4 聖種義〉(大正 44, 681a11-13):

如來鉢中成百千種食味，味味各別，不相和雜，猶如別器。

<sup>25</sup> 車磔馬腦=碑磔瑪瑙【宋】【元】【明】【宮】。(大正 26, 49d, n.10)

<sup>26</sup> 具則=其身【宋】【元】【明】【宮】。(大正 26, 49d, n.11)

<sup>27</sup> 愛=受【宋】【元】【明】【宮】。(大正 26, 49d, n.12)

<sup>28</sup> [唐] 義淨譯，《根本說一切有部毘奈耶藥事》卷14 (大正 24, 66b23-c15):

菩薩說已，顏容怡悅，以右手携兒，左手持女，施與婆羅門。是時男女舉目盈流，悲啼哽咽。菩薩施已，復發誓言：

「願我施男女，直趣菩提路，誓救諸眾生，速超生死海。」……

爾時菩薩為愛念故，流淚滿目，抱兒女頸以頌告言：

「我心於汝甚憐愛，不是無慈堅固心，當為利益於人天，捨施汝等善喜見；

我為無上菩提故，求證涅槃安樂處，為拔苦海諸有情，願救當離輪迴苦。」

<sup>29</sup> 閼(厂七ノ): 1.阻礙，妨礙。(《漢語大詞典》(十二), p.115)

<sup>30</sup> (1) 《大方等大集經》卷 27 〈12 無盡意菩薩品〉(大正 13, 189a16-b20):

爾時舍利弗語無盡意菩薩摩訶薩言：「唯！善男子！頗復更有無盡法不？」  
無盡意言：「有！菩薩修行檀波羅蜜不可窮盡。何以故？菩薩摩訶薩行施無量，所謂：

- (1) 須食與食，具足命、辯、色、力、樂故。
- (2) 須飲與飲，離渴愛故。
- (3) 須衣與衣，具清淨色，除無慚愧故。
- (4) 須乘與乘，得一切樂具神通故。
- (5) 須燈與燈，具足佛眼清淨故。
- (6) 須音樂者施與音樂，具足天耳清徹故。
- (7) 須香與香，身出具足微妙香故。
- (8) 須鬘與鬘，具陀羅尼七覺華故。
- (9) 須塗香、末香，悉施與之，具戒定慧熏塗身故。
- (10) 須種種味隨意與之，味相成就故。
- (11) 無依止者施與依止，能為眾生具足救護，為歸依故。
- (12) 須敷具者，悉施與之，具足究竟斷除陰蓋，成就梵天賢聖諸佛妙床座故。
- (13) 須座與座，具足三千大千世界以為道場，金剛座處悉成就故。
- (14) 隨其所須悉能與之，成就菩提諸所須故。
- (15) 隨病施藥，得無老死，甘露法藥悉成就故。
- (16) 須僕使者皆給與之，自在智慧得具足故。
- (17) 若以金銀、琉璃、頗梨、真珠、珂貝、璧玉、珊瑚種種諸珍用惠施者，具足大人三十二相故。
- (18) 能以種種瓔珞施者，具足八十隨形好故。
- (19) 若以象馬車乘施者，具足大乘故。
- (20) 若持園林以布施者，具諸禪支故。
- (21) 若持妻子以布施者，具足無上道法愛故。
- (22) 若以倉庫穀財施者，具足諸善法寶藏故。
- (23) 以閻浮提若四天下隨意施者，具足法王得自在故。
- (24) 以諸樂具持用施者，具足無量法樂樂故。
- (25) 若持脚足以布施者，法足具成，進至道場故。
- (26) 若以手施，具足法手安撫眾生令得樂故。
- (27) 若以耳、鼻用施與者，具足諸根悉通利故。
- (28) 若以眼目持用施者，為欲具足無礙法眼故。
- (29) 若以頭施，於三界中具足殊勝一切智慧故。
- (30) 若以血肉持用施者，諸不堅牢具堅牢故。
- (31) 若以髓腦持用施者，具金剛身得不壞故。」

(2) 《阿差末菩薩經》卷 2 (大正 13, 588c20-589b5):

舍利弗問言：「菩薩之法當云何施？」

阿差末曰：「

- (1) 飢者食之。所以者何？人依衣食乃得存命，便能蘇息、坐起、言語，則

## 二、其餘布施果報

如是開施門果報，餘施果報亦應知。

- 為安隱，身體康寧、氣力強盛。
- (2) 渴者施漿，除其消渴。所以者何？若在後世，周旋生死，常不渴乏。
  - (3) 有求車者，輒隨意與，由是之報，後所生處，神足飛行，在所至到。
  - (4) 其無衣者，因施與之，後世所生便不抵突，常抱慚愧。
  - (5) 若於冥處施之燈火，則得**道眼**通見十方。
  - (6) 若於世尊、師父、寺舍二親長老前而作倡伎以娛樂之，後世所生得**道耳**聽徹聞無極。
  - (7) 若無香者則施與之，後世所生逮致**戒香、慧定解脫知見品香**，是身為被德熏之香。
  - (8) 若復有求雜香名熏，即與所好，後世所生身體香潔，莫不悅豫。
  - (9) 所有甘美殊異之味，人來求者輒從意與，後世所生常得饒饌，若不甘者入口即美，宿之所殖而得是相。
  - (10) 其無手巾因施與之，後世所生清淨無垢、為人所護。
  - (11) 其無護者為之將護，猶若屋室。所以喻室，覆蓋人故。
  - (12) 隨其所乏而施與之，後世所生，悉獲所當，尋得周給。
  - (13) 病與醫藥、後世所生身常無病、不生、不死，無有眾患，恒獲安隱，一切備足靡所不主<sup>※</sup>。【※主=至【宋】【元】【明】【宮】。(大正 13, 589d, n.6)】
  - (14) 其無僕使，給與奴婢，後世所生自然具足，萬乘帝主制上御下無所乏少。
  - (15) 其求眾寶則能與之，後世所生備悉成就三十有二大人之相。
  - (16) 布施雜物若干種品，後世所生得八十種眾好之姿。
  - (17) 象馬施者，後得大乘無極之意。
  - (18) 以田施與，因得具足寂度無極。
  - (19) 妻子施與，惠所珍愛，後無異心，當得佛道。所以者何？佛者極上尊無儔匹。
  - (20) 假使有人從其菩薩求滿倉穀，即能與之，未曾貪吝，後逮法藏，充備道慧無所匱乏。
  - (21) 菩薩設得為轉輪王，主四天下，七寶盈滿，若有來求而不愛惜，輒能盡施，後所生處逮一切智，諸通聖慧廣濟一切。
  - (22) 以妙伎樂而施與者，後得經典，樂以法樂，莫不歡然。
  - (23) 若為勢位有忠羽翼行菩薩法，猶如王者之忠臣，有人來求，以自輔政即能與之；由是之故，後佛法教欲坐道場，於佛樹下降伏魔兵。
  - (24) 以手施人，後為一切道法之首。
  - (25) 耳鼻施者，後身具足，無一缺漏。
  - (26) 以眼施者，後逮法眼，為一切首道法之眼。
  - (27) 以頭施者，後所生處，三世特尊，獨步無侶，諸通敏慧。
  - (28) 肌肉施者，後成佛道，人來聽經，捨諸不要<sup>※</sup>，皆獲真正。【※要=善【宋】【元】【明】【宮】。(大正 13, 589d, n.12)】
  - (29) 菩薩破骨以髓施者，後得佛道，身如金剛無能動搖。」



- (1) 以臥具施者，得三乘安隱解脫床<sup>31</sup>。
- (2) 以<sup>32</sup>坐處施者，則得菩提樹下道場不可壞處。
- (3) 以妻施者，為得法喜娛樂故。
- (4) 以道施者，為生死失道眾生，得入正道故。
- (5) 以筏<sup>33</sup>施者，為得度欲流、有流、見流、無明流<sup>34</sup>故。
- (6) 以骨施者，為得戒堅、定堅<sup>35</sup>、解脫堅、解脫知見堅、眾生堅故。
- (7) 以眷屬施者，為得成就無量無邊阿僧祇福德天、人眷屬——同心、清淨、不可沮壞<sup>36</sup>故。
- (8) 以善哉施者，為得說法時，天龍、夜叉、乾闥婆、沙門、婆羅門歡喜稱讚故。
- (9) 以經卷施者，為得九部經<sup>37</sup>久<sup>38</sup>住無量時故。

<sup>31</sup> 床：3.古代坐具。(《漢語大詞典》(三)，p.1208)

<sup>32</sup> 床以=以床【宋】【元】【明】【宮】。(大正 26，49d，n.13)

<sup>33</sup> 筏：1.水上交通工具。用竹或木編排而成，或用牛羊皮等製囊而成。(《漢語大詞典》(八)，p.1150)

<sup>34</sup> (1)《阿毘達磨集異門足論》卷 8〈5 四法品〉(大正 26，399b29-c8)：

四瀑流者，一、欲瀑流，二、有瀑流，三、見瀑流，四、無明瀑流。

云何欲瀑流？答：除欲界繫諸見、無明，諸餘欲界繫結縛隨眠、隨煩惱纏，是名欲瀑流。

云何有瀑流？答：除色、無色界繫諸見、無明，諸餘色、無色界繫結縛隨眠、隨煩惱纏，是名有瀑流。

云何見瀑流？答：謂五見，一、有身見，二、邊執見，三、邪見，四、見取，五、戒禁取。如是五見名見瀑流。

云何無明瀑流？答：三界無智，是名無明瀑流。

(2)《阿毘達磨大毘婆沙論》卷 48 (大正 27，247a8-24)：

有四瀑流，謂欲瀑流、有瀑流、見瀑流、無明瀑流。

問：此四瀑流以何為自性？

答：以百八事為自性。

謂欲瀑流以欲界二十九事為自性，即貪五、瞋五、慢五、疑四、纏十。

有瀑流以色、無色界二十八事為自性，即貪十、慢十、疑八。

見瀑流以三界三十六事為自性，即欲、色、無色界各十二見。

無明瀑流以三界十五事為自性，即欲、色、無色界各五部無明。

<sup>35</sup> 堅+ (慧堅)【元】【明】。(大正 26，49d，n.14)

<sup>36</sup> 沮壞：毀壞，敗壞，破壞。(《漢語大詞典》(五)，p.1072)

<sup>37</sup> (1) 參見《十住毘婆沙論》卷 9〈20 念佛品〉(大正 26，69b26-28)：

善說九部經法，所謂<sup>(1)</sup>修多羅、<sup>(2)</sup>岐夜、<sup>(3)</sup>授記、<sup>(4)</sup>伽陀、<sup>(5)</sup>憂陀那、<sup>(6)</sup>尼陀那、<sup>(7)</sup>如是諸經、<sup>(8)</sup>斐肥囉、<sup>(9)</sup>未曾有經。

<sup>(10)</sup> 以法施者，為得通達一切法故、集一切功德故。

是菩薩如是樂行布施，知布施清淨，知布施果報所得多少。

**（肆）菩薩不行非法施，但合空等施**

**一、總說非法財施與空智慧施**

是故，**非法財施等，乃至智呵施——無有如是施；但合空等施。**

非法者，惡行所得財，財名資生之物。取要言之，以惡業得財物施。

菩薩知是<sup>39</sup>布施不清淨故，如是等諸餘非法施，乃至智所呵施，不為此事。

菩薩行布施，唯與空智慧等種種功德和合。

**二、廣分別「非法財施」與「空慧和合施」**

問曰：所說**非法得財施等，及空智慧等和合施**。此二施應廣分別！

答曰：

**（一）辨「清淨施」與「不淨施」**

是二施（50c），〈無盡意菩薩會品〉<sup>40</sup>中「檀波羅蜜」中說：

（2）印順法師，《初期大乘佛教之起源與開展》，p.110：

九分教是：修多羅（sūtra）、祇夜（geya）、記說（vyākaraṇa）、伽陀（gāthā）、優陀那（udāna）、本事（itivṛttaka, itivuttaka 或譯為如是語）、本生、方廣（vaipulya, vedalla, 或譯為有明）、未曾有法（adbhuta-dharma）。再加上譬喻、因緣、論議（upadeśa），就成十二分教。

<sup>38</sup> 久=文【宋】【元】【宮】。（大正 26, 49d, n.15）

<sup>39</sup> 知是=如此【宋】【元】【明】【宮】。（大正 26, 50d, n.1）

<sup>40</sup> （1）《大方等大集經》卷 27 〈12 無盡意菩薩品〉（大正 13, 189b20-c11）：

<sup>(1)</sup> 菩薩不以邪命求財而行布施，<sup>(2)</sup> 不逼眾生強求他物轉以施人，<sup>(3)</sup> 無恐怖施，<sup>(4)</sup> 無羞恥施，<sup>(5)</sup> 無慳惜施。<sup>(6)</sup> 如其所許無損減施，<sup>(7)</sup> 無不愛施，<sup>(8)</sup> 畢竟常施，無不畢竟施，<sup>(9)</sup> 無諛諂施，<sup>(10)</sup> 無姦詐施，<sup>(11)</sup> 不疑業報施，<sup>(12)</sup> 無邪命施，<sup>(13)</sup> 無愚癡施，<sup>(14)</sup> 無不信施，<sup>(15)</sup> 無不解施，<sup>(16)</sup> 無疲難施，<sup>(17)</sup> 無依著施，<sup>(18)</sup> 無選擇施，<sup>(19)</sup> 無異相施，<sup>(20)</sup> 不求受者施。<sup>(21)</sup> 無有眾生不堪受者，<sup>(22)</sup> 持戒犯戒無增減施。<sup>(23)</sup> 於受者所不望報施，<sup>(24)</sup> 不求名施，<sup>(25)</sup> 不毀譽施，<sup>(26)</sup> 無慢非慢施，<sup>(27)</sup> 無熱惱施，<sup>(28)</sup> 不悔心施，<sup>(29)</sup> 不自讚施，<sup>(30)</sup> 無雜穢施，<sup>(31)</sup> 不望業報施，<sup>(32)</sup> 無定處施，<sup>(33)</sup> 無有瞋怒垢愛等施。<sup>(34)</sup> 有來乞者不惱害施，<sup>(35)</sup> 無輕易施，<sup>(36)</sup> 不俛面施，<sup>(37)</sup> 不撩擲施，<sup>(38)</sup> 無不故施，<sup>(39)</sup> 無手不與施，<sup>(40)</sup> 無不常施，<sup>(41)</sup> 無斷絕施，<sup>(42)</sup> 無嫉慢施，<sup>(43)</sup> 無齊限施，<sup>(44)</sup> 如其所許不貿易施，<sup>(45)</sup> 無有堪任、不堪任施，<sup>(46)</sup> 無非福田施，<sup>(47)</sup> 不輕小施，<sup>(48)</sup> 不讚多施，<sup>(49)</sup> 無衰耗施，<sup>(50)</sup> 不求後生施，<sup>(51)</sup> 不求自在得財寶施，<sup>(52)</sup> 不求釋梵護世天王轉輪聖王諸果報施，<sup>(53)</sup> 不願聲聞緣覺乘施，<sup>(54)</sup> 不求王子得自在施，<sup>(55)</sup> 不為一世故施，<sup>(56)</sup> 無厭足施，<sup>(57)</sup> 無不迴向一切智施，<sup>(58)</sup> 無不淨施，<sup>(59)</sup> 無不時施，<sup>(60)</sup> 無刀毒施，<sup>(61)</sup> 無惱眾生施。

**1、依〈無盡意菩薩會品〉說清淨施**

初分別布施功德，所謂<sup>(1)</sup>諸菩薩無非法求財施。<sup>(2)</sup>無熱惱眾生施。<sup>(3)</sup>無恐畏<sup>41</sup>施。<sup>(4)</sup>無著故施。<sup>(5)</sup>無請而不施。<sup>(6)</sup>無不如所許<sup>42</sup>施。<sup>(7)</sup>無恚好以不好施。<sup>(8)</sup>無不深心施。<sup>(9)</sup>無諂曲<sup>43</sup>施。<sup>(10)</sup>無假偽施。

<sup>(11)</sup>無損果施。<sup>(12)</sup>無邪心施。<sup>(13)</sup>無癡心施。<sup>(14)</sup>無雜心施。<sup>(15)</sup>無不信解脫<sup>44</sup>施。<sup>(16)</sup>無疲厭施。<sup>(17)</sup>無親附<sup>45</sup>施。<sup>(18)</sup>無以承望<sup>46</sup>已施。<sup>(19)</sup>無求福

**(2) 《阿差末菩薩經》卷 2 (大正 13, 589b6-c15):**

阿差末曰：「<sup>(1)</sup>菩薩不以色故而有所施，用修正故。<sup>(2)</sup>若來求多、後人求少，悉遍與之，使各得足。<sup>(3)</sup>若施與時，不恐、不怖、不畏、不懼，<sup>(4)</sup>無貪行施，<sup>(5)</sup>不懷悔恨，心未曾變。<sup>(6)</sup>菩薩無輕慢施，專心而與；<sup>(7)</sup>無諛諂施，<sup>(8)</sup>不持惡物、無所中者以與人也。<sup>(9)</sup>菩薩布施，未曾觀察某有福祚、甲有罪殃，無有狐疑、不別好醜，不中斷絕遺漏施也。何謂中斷遺漏施？於大會中獨與一人、不與一人，悉欲遍濟。所以者何？<sup>(10)</sup>菩薩所施常懷篤信，不念懈倦，無惱患施。

<sup>(11)</sup>菩薩布施不呼人至前目自見面乃與之也，<sup>(12)</sup>亦不思惟某善、某惡，<sup>(13)</sup>不必選求得成道者，來者便與；施人之後不作是念：『某已得道、某不得道。』<sup>(14)</sup>菩薩施與，見奉持戒人來受其物不以欣然、見無戒者亦無異心；<sup>(15)</sup>其所施與不望還報、<sup>(16)</sup>有所施者不求名稱使遠近聞，不自咨嗟、不惡誹謗。<sup>(17)</sup>菩薩施與，不行煩擾、不懷恨施，<sup>(18)</sup>無瞋恚施、不歡喜施。<sup>(19)</sup>菩薩布施不念後世當得其福、<sup>(20)</sup>不起忿心罵詈愚施。

<sup>(21)</sup>有來求者不前却彼乃施與之，<sup>(22)</sup>不輕易施、不倩他人持物往與。所以者何？手自斟酌。<sup>(23)</sup>亦不念言：『值吾前施，不當前者不施與之。』<sup>(24)</sup>不置礙施，自用心施；<sup>(25)</sup>不卒暴施，手自授之。<sup>(26)</sup>不沈吟施，乍與、乍不與。<sup>(27)</sup>菩薩不念：『吾所可施，疲倦勞極。』<sup>(28)</sup>施從來者，不多、不少；不選擇物——惡者與之、好者留之。<sup>(29)</sup>若有來求，如本言要，未曾減損。<sup>(30)</sup>菩薩所施愍念眾生，弘無偏黨，欲令受者常獲安隱。若施與時則念：『其人是吾國界。』所以者何？一切皆是菩薩之道地也。

<sup>(31)</sup>又所施者，少不輕己、多不歡喜。雖布施多，不自察言：『我今廣施。』<sup>(32)</sup>所與如法，無悞望故。<sup>(33)</sup>菩薩所施，不念：『是福當有所生受其功報。』所以者何？施於一切眾生蒙恩故。<sup>(34)</sup>所施人者亦不念之：『吾於天上、天下、人中獨致尊勢。』<sup>(35)</sup>其所施與，普為眾生，不以其福求慕四王、釋、梵之位，亦復不貪轉輪聖王，不習聲聞、緣覺之心。<sup>(36)</sup>菩薩施與，心不念言：『所施具足。』亦不惟少足與不足。<sup>(37)</sup>有所施者，使一切眾不離於佛，諸通敏慧。<sup>(38)</sup>所施與者，常得其時，無有不應。<sup>(39)</sup>不以兵仗、毒藥施與；<sup>(40)</sup>以安施人，不加燒害。」

<sup>41</sup> 恐畏：1.畏懼。(《漢語大詞典》(七)，p.491)

<sup>42</sup> 許：1.應允，許可。4.應允給予。(《漢語大詞典》(十一)，p.68)

<sup>43</sup> 諂曲：曲意逢迎。(《漢語大詞典》(十一)，p.314)

<sup>44</sup> (脫) — 【宋】【元】【明】【宮】。(大正 26, 50d, n.2)

田者施。<sup>(20)</sup>無輕一切眾生福田者施。

<sup>(21)</sup>無持戒毀戒高下心施。<sup>(22)</sup>無求名聞施。<sup>(23)</sup>無自高心施。<sup>(24)</sup>無卑<sup>47</sup>他施。<sup>(25)</sup>無懊惜<sup>48</sup>施。<sup>(26)</sup>無悔心施。<sup>(27)</sup>無急喚故施。<sup>(28)</sup>無惡賤施。<sup>(29)</sup>無自然法施。<sup>(30)</sup>無求果報施。

<sup>(31)</sup>無瞋恚施。<sup>(32)</sup>無令人渴乏施。<sup>(33)</sup>無惱求者施。<sup>(34)</sup>無輕弄彼施。<sup>(35)</sup>無欺誑<sup>49</sup>施。<sup>(36)</sup>無俾<sup>50</sup>面施。<sup>(37)</sup>無擲與施。<sup>(38)</sup>無不一心施。<sup>(39)</sup>無不自手施。<sup>(40)</sup>無不常施。

<sup>(41)</sup>無休息施。<sup>(42)</sup>無斷絕施。<sup>(43)</sup>無競勝<sup>51</sup>施。<sup>(44)</sup>無輕少物施。<sup>(45)</sup>無請<sup>52</sup>隨自恣<sup>53</sup>而以輕物施。<sup>(46)</sup>無不稱力<sup>54</sup>施。<sup>(47)</sup>無非福田施。<sup>(48)</sup>無於少物劣弱心施。<sup>(49)</sup>無恃多物憍心施。<sup>(50)</sup>無邪行施。

<sup>(51)</sup>無樂受生施。<sup>(52)</sup>無恃<sup>55</sup>色族富貴施。<sup>(53)</sup>無求生四王、釋、梵天上施。<sup>(54)</sup>無求聲聞、辟支佛乘施。<sup>(55)</sup>無求國王王子施。<sup>(56)</sup>無限一世施。<sup>(57)</sup>無厭足<sup>56</sup>施。<sup>(58)</sup>無不迴向薩婆若施。<sup>(59)</sup>無不淨施。<sup>(60)</sup>無非時施。

<sup>(61)</sup>無刀毒施。<sup>(62)</sup>無惱弄<sup>57</sup>眾生施。<sup>(63)</sup>無智者所呵施。

## 2、別說離不淨施

如是開示施門，餘不淨施，亦應當知。所謂<sup>(1)</sup>諸菩薩無應棄物施。<sup>(2)</sup>無憎惡<sup>58</sup>涅槃施。<sup>(3)</sup>無豐饒易得物施。<sup>(4)</sup>無量<sup>59</sup>恩施。<sup>(5)</sup>無報恩施。<sup>(6)</sup>無

<sup>45</sup> 親附：親近依附。（《漢語大詞典》（一），p.343）

<sup>46</sup> 承望：1.迎合，逢迎。（《漢語大詞典》（一），p.774）

<sup>47</sup> 卑：5.輕視，賤視。（《漢語大詞典》（一），p.868）

<sup>48</sup> 懊惜：懊惱惋惜，惱恨痛惜。（《漢語大詞典》（七），p.739）

<sup>49</sup> 欺誑：欺騙迷惑。（《漢語大詞典》（六），p.1451）

<sup>50</sup> （1）俾＝頓【宋】【元】【明】【宮】。（大正 26，50d，n.3）

（2）俾（ㄉㄨㄛˋ）：睥睨，斜目側視。（《漢語大詞典》（一），p.1508）

<sup>51</sup> 競勝：較量勝負。（《漢語大詞典》（八），p.403）

<sup>52</sup> （請）－【宋】【元】【明】【宮】。（大正 26，50d，n.4）

<sup>53</sup> 恣：3.滿足，盡情。（《漢語大詞典》（七），p.505）

<sup>54</sup> 稱力：任力，盡力。（《漢語大詞典》（八），p.112）

<sup>55</sup> 恃：1.依賴，憑藉。4.自負。（《漢語大詞典》（七），p.511）

<sup>56</sup> 厭足：滿足。（《漢語大詞典》（一），p.942）

<sup>57</sup> 弄：3.欺騙，戲弄。（《漢語大詞典》（二），p.1310）

<sup>58</sup> 憎惡：憎恨，厭惡。（《漢語大詞典》（七），p.742）

<sup>59</sup> （1）量＝置【宋】【元】【明】【宮】。（大正 26，50d，n.5）。

（2）置：3.廢棄，捨棄。（《漢語大詞典》（八），p.1024）

求反報施。<sup>(7)</sup> 無求守護施。<sup>(8)</sup> 無求吉施。<sup>(9)</sup> 無慢心施。<sup>(10)</sup> 無家法施。

<sup>(11)</sup> 無因得即施。<sup>(12)</sup> 無不終身施。<sup>(13)</sup> 無垢心施。<sup>(14)</sup> 無遊戲<sup>60</sup>施 (51a)。

<sup>(15)</sup> 無以善知識故施。<sup>(16)</sup> 無輕施。<sup>(17)</sup> 無遊逸<sup>61</sup>施。<sup>(18)</sup> 無因失施。<sup>(19)</sup> 無以讚己故施。<sup>(20)</sup> 無以呵罵故施。

<sup>(21)</sup> 無以祝願故施。<sup>(22)</sup> 無以稱希有事故施。<sup>(23)</sup> 無以明己信故施。<sup>(24)</sup> 無以畏故施。<sup>(25)</sup> 無誑施。<sup>(26)</sup> 無求眷屬施。<sup>(27)</sup> 無不唱導<sup>62</sup>施。<sup>(28)</sup> 無引眾施。<sup>(29)</sup> 無不信施。<sup>(30)</sup> 無無因緣施。

<sup>(31)</sup> 無隨意施。<sup>(32)</sup> 無現奇特施。<sup>(33)</sup> 無自稱讚施。<sup>(34)</sup> 無不隨所求施。<sup>(35)</sup> 無為伏彼施<sup>63</sup>。<sup>(36)</sup> 無不愛施。<sup>(37)</sup> 無不任用<sup>64</sup>物施。<sup>(38)</sup> 無不恭敬施。<sup>(39)</sup> 無下施。<sup>(40)</sup> 無以怪相故施。

<sup>(41)</sup> 無抑挫<sup>65</sup>施。<sup>(42)</sup> 無挾勢得物施。<sup>(43)</sup> 無不清淨心施。<sup>(44)</sup> 無疑心施。<sup>(45)</sup> 無破求者心施。<sup>(46)</sup> 無禁忌物施。<sup>(47)</sup> 無分別施。<sup>(48)</sup> 無以酒施。<sup>(49)</sup> 無以兵杖<sup>66</sup>施。<sup>(50)</sup> 無奪彼物施。

<sup>(51)</sup> 無令人生疑心施。<sup>(52)</sup> 無以親近故施。<sup>(53)</sup> 無說彼過咎施。<sup>(54)</sup> 無隨所愛施。<sup>(55)</sup> 無瞋施。<sup>(56)</sup> 無癡施。<sup>(57)</sup> 無戲論施。<sup>(58)</sup> 無不為菩提施。

**※因論生論：菩薩有無非法求財施，乃至不為菩提施**

問曰：非法求財施，乃至不為菩提施，菩薩為有、為無？

若盡無者，則有過咎——不求福田，於眾生無差別心，亦無知恩報恩，亦無家法、國法施。

若有者，何以皆言無？

答曰：是非法得財施，乃至不為菩提施，菩薩不必盡無，或時有。是布施，檀波羅蜜所不攝，不能具足檀波羅蜜故言「無」。

**(二) 菩薩成就空智慧等和合施故不可盡**

空等功德和合施者，如《無盡意菩薩經》<sup>67</sup>〈檀波羅蜜品〉中說：

<sup>60</sup> 遊戲：5.戲弄，開玩笑。(《漢語大詞典》(十)，p.1058)

<sup>61</sup> (1) 遊：2.遊樂，遊蕩。(《漢語大詞典》(十)，p.1046)

(2) 逸：11.放縱，淫荒。(《漢語大詞典》(十)，p.1001)

<sup>62</sup> 唱導：2.猶倡導，帶頭提倡。(《漢語大詞典》(三)，p.382)

<sup>63</sup> (施) — 【宋】【元】【明】【宮】。(大正 26, 51d, n.2)

<sup>64</sup> 任用：4.堪用，能用。(《漢語大詞典》(一)，p.1199)

<sup>65</sup> 挫：3 屈辱。(《漢語大詞典》(六)，p.618)

<sup>66</sup> (1) 杖=仗【宋】【元】【明】【宮】。(大正 26, 51d, n.3)

(2) 兵杖：亦作“兵仗”，兵器。(《漢語大詞典》(二)，p.91)

(1) 菩薩布施與空心合故不盡。(2) 是施無相修故不盡。(3) 是施無願守護故不盡。(4) 是施善根所攝故不盡。(5) 是施隨解脫相故不盡。(6) 是施能破一切魔故不盡。(7) 是施不雜<sup>68</sup>煩惱故不盡。(8) 是施得轉勝利故不盡。(9) 是施決定心故不盡。(10) 是施集助菩提法故不盡。

(11) 是施正迴向故不盡。(12) 是施得(51b)道場解脫果故不盡。(13) 是施無邊故不盡。(14) 是施不可盡故不盡。(15) 是施不斷故不盡。(16) 是施廣大故不盡。(17) 是施不可壞故不盡。(18) 是施不可勝故不盡。(19) 是施至一切智慧故不盡。(20) 是施斷非法求財施等垢、成就空等諸功德故不盡。

### 〔三〕小結

非法求財施等是施垢，施與垢合是不淨施，與空等功德合是淨。

## 〔伍〕從「施者、受者」論「淨施」、「不淨施」

### 一、經說有四種施

#### 〔一〕總說

<sup>67</sup> (1) 《大方等大集經》卷 27〈12 無盡意菩薩品〉(大正 13, 189c11-23):

菩薩行施，不為智者之所輕笑。何以故？

(1) 觀空寂行施，是故無盡。(2) 無作所熏施，是故無盡。(3) 出三有相施，是故無盡。(4) 不取處施，是故無盡。(5) 為解脫果，是施無盡。(6) 為伏眾魔，是施無盡。(7) 為斷結愛，是施無盡。(8) 為增上施，是故無盡。(9) 善分別施，是故無盡。(10) 助菩提施，是故無盡。(11) 正迴向施，是故無盡。(12) 莊嚴道場解脫果施，是故無盡。(13) 是施無邊，是故無盡。(14) 是施無壞，是故無盡。(15) 是施不斷，是故無盡。(16) 是施廣大，是故無盡。(17) 是施無住，是故無盡。(18) 是施無伏，是故無盡。(19) 無等等施，是故無盡。(20) 是施進趣一切種智，是故無盡。唯！舍利弗！是名菩薩修行布施而不可盡。

(2) 《阿差末菩薩經》卷 2 (大正 13, 589c15-590a4):

(1) 菩薩布施從佛法教，所可惠施知一切空，所以施者，以為因緣有所興發，由斯之故而不可盡。(2) 所施與者悉曉無想，為諸想者建其因緣故不可盡。(3) 所可施者皆達無願，為諸願者作善因緣，由是之宜故不可盡。(4) 以道法意而有所施，其心堅強，完具甚安，無所破壞。(5) 菩薩所施，其在三界無能逮者，所可施與，欲令其福歸流一切菩薩之業，其志常建一切智心，以是之故為不可盡。(6) 所施與者以脫諸想，總攬眾魔令不自在，離諸煩苛故不可盡。(7) 菩薩所施與眾超異，明泥洹故，所可施者決眾疑心故不可盡。(8) 所施與者正住佛道不懷異心，所施等願故不可盡。(9) 菩薩所施，坐佛樹下得成正覺，所施與者及無央數不可稱計眾生之類皆荷濟度故不可盡。(10) 所施與者不可盡矣，其事廣大，(11) 所施與者以得道處，無能動者、無能超踰，況復施者？故不可盡。(12) 所施與者其心坦然，如一切智故不可盡。

<sup>68</sup> 雜=離【宋】【元】【明】。(正 26, 51d, n.4)

復次，是施淨、不淨<sup>69</sup>今當更說。

《經》<sup>70</sup>說施有四種：

- (1) 有施於施者是淨，不於受者淨。
- (2) 有施於受者是淨，不於施者淨。
- (3) 有施於施者淨，亦於受者淨。
- (4) 有施不於施者淨，亦不於受者淨。

## （二）別釋四種施

### 1、依身口意善惡辨

- (1) 若施者成就善身、口、意業，受者成就惡身、口、意業，是名於施者淨，不於受者淨。
- (2) 若施者成就惡身、口、意業，受者成就善身、口、意業，是名於受者淨，不於施者淨。
- (3) 若施者成就善身、口、意業，受者亦成就善身、口、意業，是名於施者淨，於受者亦淨。
- (4) 若施者成就不善身、口、意業，受者亦成就不善身、口、意業，是名不於施者淨，亦不於受者淨。

### 2、依貪瞋癡斷不斷辨

貪欲、瞋恚、愚癡若斷、若不斷，亦應如是分別。

## 二、次明四施中「淨」與「不淨」各有三類

### （一）標舉

<sup>69</sup> 《大智度論》卷 11 〈1 初品〉（大正 25，140c28-141a13）：

施有二種，有淨、有不淨。

不淨施者，<sup>(1)</sup>直施無所為，<sup>(2)</sup>或有為求財故施，<sup>(3)</sup>或愧人故施，<sup>(4)</sup>或為嫌責故施，<sup>(5)</sup>或畏懼故施，<sup>(6)</sup>或欲取他意故施，<sup>(7)</sup>或畏死故施，<sup>(8)</sup>或狂人令喜故施，<sup>(9)</sup>或自以富貴故應施，<sup>(10)</sup>或諍勝故施，<sup>(11)</sup>或妒瞋故施，<sup>(12)</sup>或憍慢自高故施，<sup>(13)</sup>或為名譽故施，<sup>(14)</sup>或為咒願故施，<sup>(15)</sup>或解除衰求吉故施，<sup>(16)</sup>或為聚眾故施，<sup>(17)</sup>或輕賤不敬施。如是等種種名為不淨施。

淨施者，與上相違名為淨施。復次，為道故施，清淨心生，無諸結使，不求今世、後世報，恭敬憐愍故，是為淨施。淨施是趣涅槃道之資糧，是故言為道故施。若未得涅槃時施，是人天報樂之因。淨施者如華瓔珞，初成未壞，香潔鮮明，為涅槃淨施得果報香亦復如是。

<sup>70</sup> 《中阿含經》卷 47（180 經）《瞿曇彌經》（大正 1，722b27-c2）：

有四種布施，三淨施。云何為四？或有布施，因施主淨，非受者；或有布施，因受者淨，非施主；或有布施，非因施主淨亦非受者；或有布施，因施主淨，受者亦然。

復次，四種布施中，有淨、不淨。

一、從**施者**淨，二、從**受者**淨，三、**共淨**，是名淨。

一、不從**施者**淨，二、不從**受者**淨，三、**不共淨**，是名不淨。

## （二）別釋

### 1、釋三類「淨」布施

(1) 是中**施者**有功德故，從**施者**施得淨。

(2) 以**受者**有功德故，從**受者**<sup>71</sup>施得淨。

(3) 以**施者**、**受者**有功德故，從**施者**、**受者**施得淨。

### 2、釋三類「不淨」布施

(1) **施者**有罪故，從**施者**施不淨。

(2) **受者**有罪故，從**受者**施不淨。

(3) **施者**、**受者**<sup>72</sup>有罪故，從**施者**、**受者**施不淨。

## （三）功德、罪如前說

施者功德、受者功德，施者罪、受者罪，先已說。<sup>73</sup>

## 三、四種施中菩薩應行何種施

問曰：(51c) 汝說此四種施中，菩薩應<sup>74</sup>行何施？

答曰：**四種布施中，行二種淨施；不求於名利，及以求果報。**

是布施有四種，三淨、三不淨，<sup>75</sup>不淨盡不行。

淨中行<sup>76</sup>二淨：一者、**施者**淨，不於**受者**淨；二者、**共淨**。

於此二淨施中，應常精進。何以故？是菩薩不期果報故。

若期果報者，則求**受者**清淨。

「淨」，名**施者**<sup>77</sup>、**受者**功德莊嚴，其心清淨。

「不淨」，名**施者**有慳惜心。

如佛說「慳為施垢」，餘煩惱雖為不淨，慳最為重。

<sup>71</sup> 者+（施者）【宋】【元】【明】【宮】。（大正 26，51d，n.5）

<sup>72</sup> （有罪）+受【宋】【元】【明】【宮】。（大正 26，51d，n.6）

<sup>73</sup> 參見《十住毘婆沙論》卷 6〈12 分別布施品〉（大正 26，51b20-27）。

<sup>74</sup> （應）—【宋】【元】【明】【宮】。（大正 26，51d，n.8）

<sup>75</sup> 《十住毘婆沙論》卷 6〈12 分別布施品〉（大正 26，51b21-23）：

〔三淨：〕一、從**施者**淨，二、從**受者**淨，三、**共淨**。

〔三不淨：〕一、不從**施者**淨，二、不從**受者**淨，三、**不共淨**。

<sup>76</sup> 應+行【宋】【元】【明】【宮】。（大正 26，51d，n.9）

<sup>77</sup> （施者）—【宋】【元】【明】【宮】。（大正 26，51d，n.11）



#### 四、明行二淨施的理由

問曰：若菩薩於**施者淨**及**共淨**<sup>78</sup>，應勤行此二施。慳為施者垢，亦是施大垢，若菩薩未離欲，未能斷慳，云何能行此二<sup>79</sup>淨施？

答曰：若物能起慳，則不畜此物。

菩薩若於有命、無命物，知生慳心者，則不畜此物，是故有所施，皆無悋惜。

#### 五、為利眾生故，菩薩隨眾生所需能捨身分，或全身盡施

問曰：外物可不畜，身當云何？

答曰：常為利眾生，解身如藥樹。

為利益眾生故，信解身如藥樹。如藥樹眾生有用，根、莖、枝、葉、華、實等，各得差<sup>80</sup>病，隨意而取，無有遮護。

菩薩亦如是，為利眾生故，能自捨身。作是念：「若眾生取我頭、目、手、足、肢<sup>81</sup>、節、脊、腹、髀<sup>82</sup>、膊<sup>83</sup>、耳、鼻、齒、舌、血、肉、骨、髓等，隨其所須，皆能與之，或舉身盡施。」

如是降伏其心，修集善根，為方便所護，行檀波羅蜜。

#### （陸）菩薩布施應清淨迴向

##### 一、辨「總相迴向、別相迴向」

##### （一）略標二種迴向

總相、別相施，皆悉能迴向。

是菩薩能以二種淨<sup>84</sup>施，能知二種迴向：一為總相，二為別相。

##### （二）別釋

##### 1、第一說

總相迴向者，有所施，皆（52a）迴向阿耨多羅三藐三菩提。

別相施者，如布施果報中說。<sup>85</sup>

<sup>78</sup> 淨+（淨）【宋】【元】【明】【宮】。（大正 26，51d，n.12）

<sup>79</sup> 二+（種）【宋】【元】【明】【宮】。（大正 26，51d，n.13）

<sup>80</sup> 差（彳 𠂔 丿）：病除。（《漢語大詞典》（二），p.973）

<sup>81</sup> 肢=支【宋】【元】【明】，=枝【宮】。（大正 26，51d，n.14）

<sup>82</sup> 髀（ㄅ 一 丿）：1.大腿骨。（《漢語大詞典》（十二），p.408）

<sup>83</sup> 膊=膊【宋】【元】【明】【宮】。（大正 26，51d，n.15）

<sup>84</sup> （淨）-【宋】【元】【明】【宮】。（大正 26，51d，n.18）

## 2、第二說

復次，**總相迴向者**，為安樂利益一切眾生。

**別相迴向者**，無信眾生，令得信故；破戒者，得持戒故；少聞者，得多聞故；懈怠者，得精進故；散亂心者，得禪定故；愚癡眾生，得智慧故；慳者，得捨心故。如是等種種別相。

## 3、第三說

復次，**總相迴向者**，以六波羅蜜，迴向阿耨多羅三藐三菩提。

**別相迴向者**，施外物時，願諸眾生得大最樂。支節布施時，願諸眾生具足佛身。

## 二、辨「幾種迴向，幾種不迴向」

問曰：布施有幾種迴向？幾種不迴向？

答曰：

### （一）略標「為清淨四事故迴向，三種不迴向」

一為淨四<sup>86</sup>迴向，三<sup>87</sup>種不迴向。

### （二）別釋

#### 1、略說為清淨四事故迴向

一菩薩布施，為清淨四事故迴向。

#### 2、釋三種不迴向

三種不迴向，<sup>(1)</sup>不為得王故迴向，<sup>(2)</sup>不為得欲樂故迴向，<sup>(3)</sup>不為得聲聞、辟支佛地故迴向。

<sup>(1)</sup>不為**得王**故迴向者，遮王則并遮一切貴人、力勢自在者。

<sup>(2)</sup>不為**得欲樂**迴向者，除上貴人，餘受富樂五欲自娛者。

<sup>(3)</sup>不為**得聲聞、辟支佛**迴向者，遮因小乘入無餘涅槃，令得安住大乘，久後乃入<sup>88</sup>無餘涅槃。

<sup>85</sup> 《十住毘婆沙論》卷6〈12分別布施品〉（大正26，50a7-b20）：

菩薩立願，須食者施食，令我得五事報：一者、得壽命，二者、得膽，三者、得樂，四者、得力，五者、得色。……以髓施者，得金剛身，無能壞者。……是菩薩如是樂行布施，知布施清淨，知布施果報所得多少。

<sup>86</sup> 四+（事）。【宋】【元】【明】【宮】。（大正26，52d，n.1）

<sup>87</sup> （一）+三【宋】【元】【明】。（大正26，52d，n.2）

<sup>88</sup> 入=得【宋】【元】【明】【宮】。（大正26，52d，n.4）

### 3、釋菩薩四種清淨迴向

為四淨迴向者，<sup>(1)</sup> 菩薩所施，為清淨佛土故迴向。<sup>(2)</sup> 為清淨菩薩<sup>89</sup>故迴向。<sup>(3)</sup> 為清淨教化眾生故迴向。<sup>(4)</sup> 為淨薩婆若故迴向。

#### (三) 小結

菩薩應如是方便迴向，無令布施損減，使得勢力。

#### (柒) 令布施損減與增益之因緣

問曰：以何法令布施損減？以何法令布施增益？

答曰：

##### 一、令布施損減之因緣

###### (一) 舉偈總說

若施不迴向，亦無有方便，求生於下處，  
親近惡知識，如是布施者，是則為損減。

###### (二) 別釋

若布施：

- (1) 不迴向阿耨多羅三藐三菩提，隨逐(52b)世間樂故。
  - (2) 求生下處。
  - (3) 無有方便能出布施、禪定果報、自在所生。
  - (4) 親近障闕<sup>90</sup>大乘知識。
- 以是四法則布施損減。

##### 二、令布施增益之因緣

###### (一) 舉偈總說

離四施得增，又應三心施，菩薩順佛語，亦不求果報。

###### (二) 別釋

###### 1、離「損減四施」而得增益

離此四法，布施則得增益。

- (1) 迴向阿耨多羅三藐三菩提。
- (2) 有方便迴向。
- (3) 求法王處。
- (4) 親近善知識。

<sup>89</sup> 菩薩 = 菩提【宋】【元】【明】【宮】。(大正 26, 52d, n.5)

<sup>90</sup> 障闕：阻礙隔闕。(《漢語大詞典》(十一), p.1101)

**2、釋「又應三心施」**

又應以三法心而行布施：

- 一者、憐愍一切眾生故，以菩提心行施。
- 二者、不遠佛法而行布施。
- 三者、不求果報而行布施。

**（捌）菩薩為得三法、欲求二法而行布施**

**一、舉偈總說**

復次，為得三法故，而行於布施；為欲求二法，應當行布施。<sup>91</sup>

**二、別釋**

**（一）為得「三法」而行施**

菩薩為得三法故行布施：一者、佛法，二者、說法，三者、令諸眾生住無上樂。

**（二）欲求「二法」而行施**

**1、欲求大富、具足檀波羅蜜**

**（1）標舉二法**

又欲求二法行布施者：一者、大富，二者、具足檀波羅蜜。

**（2）明求大富之理由：菩薩需先有「資糧」才能利益眾生**

何以故？

- <sup>(1)</sup> 若菩薩大富，則離貧苦，不取他財、不求息利<sup>92</sup>，無有債主，不憂償債，多財富足能自衣食。
- <sup>(2)</sup> 有能惠施利益親族及善知識，眷屬安樂，其家豐饒，常如節會<sup>93</sup>，心常歡悅，能大施與；眷屬不輕，人所敬仰，言皆信受，眾所依附，人來師仰<sup>94</sup>，人眾無畏。
- <sup>(3)</sup> 常好洗浴，名香塗身，著好新衣，具足莊嚴，見諸好色、聽好音聲、聞諸妙香，常食最上美味、細觸。
- <sup>(4)</sup> 怨賊難壞，善知識歡喜；是於人身得善果報，人所欽慕<sup>95</sup>常稱吉善，忘其醜惡。

<sup>91</sup> （為得…施）二十字—【宋】【元】【明】【宮】。（大正 26，52d，n.6）

<sup>92</sup> 息利：利息。（《漢語大詞典》（七），p.502）

<sup>93</sup> 節會：2.節日所設的宴會。（《漢語大詞典》（八），p.1182）

<sup>94</sup> 師仰：師法敬仰，尊奉。（《漢語大詞典》（三），p.718）

<sup>95</sup> 欽慕：敬慕。（《漢語大詞典》（六），p.1456）

- (5) 雖生下賤有大人相，雖無巧言成巧言者，雖不多聞成多聞者，雖少智慧成智慧者。
- (6) 若先端正倍復殊勝，若先大家倍復尊貴，若(52c)先巧言倍復巧言，若先多聞倍復多聞，若先智慧倍復有智。
- (7) 所可坐臥，貴價寶床，寤寐<sup>96</sup>安隱，侍衛具足。眾寶為舍，極意<sup>97</sup>遊戲。
- (8) 其身貴重，須諸經書應意即得。勢位隨意，親近王易，諸貴人<sup>98</sup>所念。
- (9) 諸醫自往，常有親信消息<sup>99</sup>所宜；有疾輕微，若病易差。遠離今世、後世怖畏，畢竟永離不活怖畏，常有救護。
- (10) 多有人眾，諸親近者自謂多福，為同意者深自欣慶。
- (11) 有少施恩，得大酬報；若加小惡，得大殃禍。
- (12) 族姓女人少年端正具足莊嚴，自求給侍<sup>100</sup>。
- (13) 諸有諧<sup>101</sup>利，悉來歸己；若作惡事，事輒<sup>102</sup>輕微。
- (14) 少有施作，即獲大利。
- (15) 多善知識，怨憎轉少。
- (16) 蛇虺<sup>103</sup>、毒藥、放逸、惡人，如是等事不得妄近，諸愛敬事皆悉歸趣。
- (17) 若獲利時，眾人代喜；若有衰惱，人皆憂戚。
- (18) 眾共示導，競以善吉<sup>104</sup>；令遠非法，安住善法。
- (19) 所施業大見莫不歡，若與同心則以為足，不期世間富貴榮利；假使

<sup>96</sup> 寤寐：1.醒與睡。常用以指日夜。《詩·周南·關雎》：“窈窕淑女，寤寐求之。”毛傳：“寤，覺；寐，寢也。”（《漢語大詞典》（三），p.1604）

<sup>97</sup> 極意：1.盡意，盡心。2.猶恣意。（《漢語大詞典》（四），p.1142）

<sup>98</sup> （貴）+人【宋】【元】【明】【宮】。（大正 26，52d，n.7）

<sup>99</sup> 消息：8.音信，信息。（《漢語大詞典》（五），p.1203）

<sup>100</sup> 給侍：服事，侍奉。（《漢語大詞典》（九），p.825）

<sup>101</sup> 諧：1.和合，協調。2.辦妥，辦成。（《漢語大詞典》（十一），p.336）

<sup>102</sup> 輒=轉【宋】【元】【明】。（大正 26，52d，n.8）

<sup>103</sup> 虺（ㄉㄨㄛˋ ㄨㄟˋ）：3.蜥蜴類動物。（《漢語大詞典》（八），p.859）

<sup>104</sup> 吉=告【宋】【元】【明】【宮】。（大正 26，52d，n.9）

居位，人思匡助<sup>105</sup>，除其衰惱；見他富貴，無所憐尚<sup>106</sup>。

(20) 人詠<sup>107</sup>其德，不揚其過。雖<sup>108</sup>小人名，得大人號；無不足色，視他顏貌不作矯異<sup>109</sup>。

(21) 若作婆羅門，於天寺中大獲果報，讀<sup>110</sup>諸經書得其實利，得而能施。

(22) 若是剎利，所習成就，善射、音聲，善能貫練<sup>111</sup>治世典籍，能得果報。

(23) 若是毘<sup>112</sup>舍，播殖<sup>113</sup>如意；若是商估<sup>114</sup>，能獲其利。

(24) 若是首陀羅，所作事業多得如意。

**(3) 釋疑：前說不應以求果報心施，今為何說求大富故施**

問曰：汝先說菩薩不求果報心施，又復不為豪貴故施，而今說求大富故布施。是語得無自相違背<sup>115</sup>？

答曰：不相違也。若自為身求富受樂，是故說不應求（53a）富。今說求富，但為利益眾生，是故說為欲大施故求富。不為身已求富、受樂，是則果中說因。若菩薩不得大<sup>116</sup>富，雖信樂布施，無財可與，是故汝不應作難。

**2、欲斷二法：慳、貪**

復次，斷二法故應行布施。何等為二？

一者、慳，二者、貪，此二法最為施垢。

<sup>105</sup> 匡助：輔助，協助。（《漢語大詞典》（一），p.960）

<sup>106</sup> （1）憐：2.心念，願望。（《漢語大詞典》（七），p.549）

（2）尚：3.引申為仰慕。（《漢語大詞典》（二），p.1659）

<sup>107</sup> 詠：2.歌頌。（《漢語大詞典》（十一），p.117）

<sup>108</sup> 雖=離【宋】【元】【明】【宮】。（大正 26，52d，n.10）

<sup>109</sup> 矯異：2.故意與眾不同，有意立異。（《漢語大詞典》（七），p.1551）

<sup>110</sup> 讀=讚【宋】【元】【明】【宮】。（大正 26，52d，n.11）

<sup>111</sup> 貫練：貫通熟練。（《漢語大詞典》（十），p.133）

<sup>112</sup> 毘=田【宋】【元】【明】【宮】。（大正 26，52d，n.12）

<sup>113</sup> （1）殖=植【宋】【元】【明】【宮】。（大正 26，52d，n.13）

（2）播殖：亦作“播植”。播種，種植。（《漢語大詞典》（六），p.882）

<sup>114</sup> （1）估=賈【宋】【元】【明】【宮】。（大正 26，52d，n.14）

（2）商估：1.商賈，商人。（《漢語大詞典》（二），p.371）

（3）商賈：商人。（《漢語大詞典》（二），p.375）

<sup>115</sup> （背）—【宋】【元】【明】【宮】。（大正 26，52d，n.15）

<sup>116</sup> （大）—【宋】【元】【明】【宮】。（大正 26，53d，n.1）

**3、欲得二法：盡智、無生智**

又得二法故行布施，所謂**盡智、無生智**。

**(三) 為增益三法故施：自利慧、本慧、多聞慧**

又增益三種慧：一者、**自利慧**，二者、**本慧**，三者、**多聞慧**。

**(四) 欲增長二法：善、慧**

有人言：增長二法故應行施：一、**善**，二、**慧**。

**(五) 略說「四施」攝一切善法**

略說菩薩應行四種施，攝一切善法：

一者、**等心施**，二者、**無對施**，三者、**迴向菩提施**，四者、**具足善寂滅心**<sup>117</sup>  
**施**。<sup>118</sup>

**(玖) 結說**

菩薩如是具足<sup>119</sup>檀波羅蜜故勤行財施。

<sup>117</sup> 《十住毘婆沙論》卷 13 〈28 分別二地業道品〉(大正 26, 94b11-12)：

寂滅心者，能滅貪欲、瞋恚、愚癡等諸煩惱。先伏心已遮，令寂滅。

<sup>118</sup> [後魏]菩提流支譯，《彌勒菩薩所問經論》卷 6 (大正 26, 258c23-27)：

問：諸菩薩摩訶薩有**四種施**，悉能攝取一切善根。何等為四？

答：一者、**平等心施**，二者、**對治施**，三者、**迴向大菩提施**，四者、**依寂滅施**。

如是諸菩薩摩訶薩為滿足檀波羅蜜故，如是布施應知。

<sup>119</sup> (足) - 【宋】【元】【明】【宮】。(大正 26, 53d, n.2)